



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTRZ 0003748 05
Sarajevo, 30.12.2024. godine

SUD BOSNE I HERCEGOVINE
- Sudiji za prethodno saslušanje –
S A R A J E V O

Na osnovu člana 35. člana 226. stav 1. i člana 227. Zakona o krivičnom postupku Bosne i Hercegovine, **p o d i ž e m**

O P T U Ź N I C U

PROTIV:

Kevac Jove, [REDACTED], rođen [REDACTED] 1946. godine u Crkvenom -
Gornji Ribnik, opština Ključ, [REDACTED] državljanin Bosne i Hercegovine,
[REDACTED]

Zbog osnova sumnje da je:

Kao komandant Drugog bataljona 17. Lake pješadijske brigade – Saničkog bataljona , zajedno sa pripadnicima Drugog bataljona 17. Lake pješadijske brigade - Saničkog bataljona, pripadnicima Odjeljenja vojne policije i Izviđačkog voda 17. Lake pješadijske brigade, rezervnim i aktivnim policajcima Staničnog odjeljenja SJB Ključ u Sanici kao i pripadnicima Interventnog voda Manevarske jedinice SJB Ključ koji su komandiru Staničnog odjeljenja u Sanici pridodani kao pomoć , u okviru širokog i sistematičnog napada Vojske Republike Srpske, pripadnika milicije i paravojnih formacija usmjerenog protiv civilnog stanovništva na području Bosanske Krajine i to Muslimana i Hrvata zbog njihove nacionalne, etničke i vjerske pripadnosti, uključujući i napad koji je 27.05.1992.godine otpočeo na području općine Ključ, artiljerijskim napadom na sela i naselja, Pudín Han, Velagiće, Ramiće, Krasulje, Kamičak i druga područja općine Ključ nastanjena pretežno muslimanskim stanovništvom, kršeći pravila međunarodnog humanitarnog prava i to člana 3. i člana 147. u vezi sa članom 146. IV Ženevske konvencije o zaštiti građanskih

lica za vrijeme rata od 12. avgusta 1949. godine, člana 75. i člana 87. stav 3. Dopunskog protokola I uz Ženevske konvencije od 12. avgusta 1949. godine, znajući za takve napade, učestvovao u njima,

tako što je:

1. Kao komandant Drugog bataljona 17. Lake pješadijske brigade kome je Naređenjem za dalja dejstva komandanta 17. Lake pješadijske brigade str. pov. br: [REDACTED] od 09.07.1992. godine povjerena realizacija iste, u svojstvu operativnog komandanta, naredio, organizovao i planirao provođenje akcije „čišćenja“ terena u selima Gornji i Donji Biljani, u koju svrhu je dana 09.07.1992. godine održao sastanak u Komandi bataljona, a koja akcija je shodno planu iste započela u ranim jutarnjim satima dana 10.07.1992. godine i provedena istog dana na prostoru sela Gornji i Donji Biljani uključujući i zaseoke Brkići, Balagića Brdo, Naplavak, Botonjići, Domazeti, Jabukovac, Mešani, Osmanovići, Čehići i Džaferagići iz kojih su muškarci civili bošnjačke nacionalnosti, njih oko 250 od strane njemu podređenih naoružanih pripadnika OS RS-a izvedeni iz svojih kuća, u civilnoj odjeći, nenaoružani, bez da su neposredno učestvovali u neprijateljstvima i bez da su pružali otpor, sprovedeni u dvorište Osnovne škole u Donjim Biljanima i nakon toga protivzakonito zatvoreni u prostorijama škole i u domu koji se nalazio u neposrednoj blizini škole koje objekte i zatvorene civile su obezbjeđivali njemu podređeni aktivni i rezervni policajci SJB Ključ.
2. Kao nadređena osoba u svojstvu komandanta Drugog bataljona 17. Lake pješadijske brigade i operativnog izvršitelja Naređenja za dalja dejstva komandanta 17. Lake pješadijske brigade str. pov. br: [REDACTED] od 09.07.1992. godine tj. operativnog komandanta koji je komandovao akcijom čišćenja terena u selima Donji i Gornji Biljani, sa stvarnom i efektivnom kontrolom nad pripadnicima Drugog bataljona 17. Lake pješadijske brigade, Izviđačkog voda i Voda vojne policije 17. Lake pješadijske brigade te pripadnicima Staničnog odjeljenja SJB Ključ u Sanici i Manevarskog odjeljenja – Interventnog voda SJB Ključ koji su dana 10.07.1992. godine izvršili akciju „čišćenja“ terena u selima Donji i Gornji Biljani uključujući zaseoke Brkići, Balagića Brdo, Naplavak, Botonjići, Domazeti, Jabukovac, Mešani, Osmanovići, Čehići i Džaferagići, te su se nakon dovođenja civila i njihovog zatvaranja u prostorije škole i doma nalazili na prostoru oko škole i doma u Donjim Biljanima, ulazili u prostorije škole i doma odakle su tačno neodređeni broj zatvorenih civila, njih oko 90, izvodili iz škole i doma, u grupama, u više navrata, na prostor oko škole, i pucanjem iz vatrenog oružja lišavali ih života, za koje vrijeme je bio prisutan u neposrednoj blizini mjesta gdje su se dešavala ubistva i u cilju rukovođenja akcijom pratio tok akcije pa je sa istim ciljem došao na mjesto događanja i bio fizički prisutan u dvorištu škole kao i na ulazu u školu u Donjim Biljanima kada su civili izvođeni iz škole i doma i odvođeni na više mjesta na prostoru oko škole i doma, pa iako je znao da se njemu podređeni spremaju učiniti krivična djela – ubistva propustio da preduzme nužne i razumne mjere da spriječi učinjenje krivičnih djela – ubistava, koja ubistva su učinjena, a tijela ubijenih civila su ostala na prostoru oko škole, na

mjestima gdje su lišeni života, a po završetku akcije isti dan u večernjim satima većim dijelom pokupljena i odvezena iz Donjih Biljana, a nakon toga ekshumirana iz masovnih - zajedničkih grobnica:

- Lanište I: [REDACTED]

[REDACTED]

[REDACTED]

i više NN lica.

- Crvena zemlja: [REDACTED]

i više NN lica,

i pojedinačnih grobnica:

Biljani I: [REDACTED]
[REDACTED]

Biljani II: [REDACTED]

Biljani III: [REDACTED]

Biljani IV: [REDACTED]

Biljani VIII: [REDACTED]
[REDACTED]
[REDACTED]

Dakle, u okviru širokog i sistematičnog napada usmjerenog protiv civila muslimanske nacionalnosti na području općine Ključ, znajući za takav napad, kao dio tog napada, počinio progon civilnog muslimanskog stanovništva zbog njihove nacionalne i vjerske pripadnosti, na način da je izvršio zatvaranje ili teško oduzimanje fizičke slobode suprotno osnovnim pravilima međunarodnog prava, propustio da preduzme nužne i razumne mjere da spriječi ubistva civila od strane njemu podređenih pripadnika OS RS-a.

Čime bi počinio pod tačkom 1. krivično djelo Zločini protiv čovječnosti iz člana 172. stav 1. tačka h) u vezi sa tačkom e), a sve u vezi sa članovima 29. i 180. stav 1) Krivičnog zakona Bosne i Hercegovine, a pod tačkom 2. krivično djelo Zločini protiv čovječnosti iz člana 172. stav 1. tačka h) u vezi sa tačkom a), a sve u vezi sa članom 180. stav 2) Krivičnog zakona Bosne i Hercegovine.

**TUŽITELJ
TUŽITELJSTVA/TUŽILAŠTVA BiH**